

The Electronic Manipulus florum
www.manipulusflorum.com

Perfectio f
cum fonte primo

Plerumque hii quos iam perfectos homines estimant, adhuc in oculis summi opificis aliquid habent imperfectionis. Sicut sepe imperiti homines necdum perfecte sculpta sigilla conspiciamus et iam quasi perfecta laudamus que tamen adhuc artifex considerat et limat, laudari iam audit et tamen ea tundere meliorando non desinit.

Gregorius libro IIII. dialogorum.

Sed quia plerumque hii, quos iam perfectos homines aestimant, adhuc in oculis summi opificis aliquid imperfectionis habent – sicut saepe imperiti homines necdum perfecte sculpta sigilla conspiciamus et iam quasi perfecta laudamus, quae tamen adhuc artifex considerat et limat, laudari iam audit et tamen ea tundere meliorando non desinit –, haec quam praediximus Romula ea, quam graeco uocabulo medici paralyisin uocant, molestia corporis percussa est, multique annis in lectulo decubans paene omni iacebat membrorum officio destituta.

Gregorius Magnus, *Dialogorum libri IV.*, 4, 16, 3 (SC 265, A. de Vogüé ed., p.64, ll.20-29).